



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N

91/1356

31 > 01 2022թ.

**Գեղամ Աբգարյանին**

Հասցե՝ ք. Երևան, Քանաքեռ 6-րդ փող, 19 տ.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8180083598 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առիթը՝ <<Յ>բերք:

Պետ,  
ոստիկանության գնդապետ՝

Ա. Ումրշատյան

Կատ. Հ. Հարությունյան  
010-30-42-02

## Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 13.01.2022թ-ին կայացված թիվ 8180083598 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<31>> 01 2022թ.

ք.Երևան

Պարեկային ծառայության պետ, ոստիկանության գնդապետ Ա. Ումրշատյանս, վերանայելով Գեղամ Աբգարյանի դիմումի քննարկման արդյունքում ստեղծված նյութերը,

## Պ Ա Ր Զ Ե Ց Ի

13.01.2022թ. ժամը 09:55-ին Երևան քաղաքի Սեբաստիայի փողոցում քաղաքացի Գեղամ Աբգարյանի վարած <<Հյունդայ>> մակնիշի 4391S դեղին համարանիշի տրանսպորտային միջոցը կանգնեցվել է պարեկային ծառայության Երևան քաղաքի գնդի 4-րդ գումարտակի 2-րդ վաշտի պարեկ Լևոն Հախվերդյանի կողմից, տրանսպորտային միջոցը ուժը կորցրած փաստաթղթերով տրանսպորտային միջոցը վարելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 4-րդ մասի համաձայն, կայացվել է թիվ 8180083598 որոշումը՝ վերջինիս 10.000 ՀՀ դրամի չափով տուգանելու մասին:

Երևան քաղաքի, Քանաքեռ. 6-րդ փող, 19 տ. բնակիչ Գեղամ Աբգարյանը պարեկային ծառայությանը ներկայացված 13.01.2022թ-ի դիմումով խնդրել է անվավեր ճանաչել պարեկային ծառայության վարչական իրավախախտումներին վերաբերյալ գործերով 13.01.2022թ. կայացված թիվ 8180083598 որոշումը՝ նշելով, որ տրանսպորտային միջոցի հաշվառման վկայագրի ժամկետն անցած լինելու հանգամանքը եղել է ՀՀ ՃՈ ՀՔԲ վրիպակի արդյունքում՝ միաժամանակ ներկայացնելով ՀՀ ՃՈ ՀՔԲ Երևան քաղաքի ստորաբաժանման ղեկավար Գ. Լևոնյանի կողմից տրված տրանսպորտային միջոցի հաշվառման ժամանակավոր վկայագրի կրկնօրինակը, համաձայն որի <<Հյունդայ>> մակնիշի 4391S դեղին համարանիշի (Հաշվառման համարանիշ՝ 197AM61) տրանսպորտային միջոցի հաշվառման վկայագիրը ուժի մեջ է մինչև 19.03.2023թ-ը:

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով՝ քննության են առնվել

իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 13.01.2022թ. կայացված 8180083598 որոշումը ենթակա է բեկանման հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> ՀՀ օրենքի 24-րդ հոդվածի 5-րդ մասի <<ա>> կետի համաձայն՝ մեխանիկական տրանսպորտային միջոցի, ինչպես նաև տրամվայի վարորդը պարտավոր է իր մոտ ունենալ և ոստիկանության ծառայողների, ինչպես նաև ճանապարհային երթևեկության կարգավորման համար օրենքով սահմանված կարգով լիազորված այլ անձանց պահանջով ներկայացնել ստուգման՝ տրանսպորտային միջոցի հաշվառման փաստաթղթերը:

<<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 4-րդ մասի համաձայն՝ ուժը կորցրած վարորդական վկայականով կամ ուժը կորցրած այլ փաստաթղթերով տրանսպորտային միջոցներ վարելը, Հայաստանի Հանրապետության քաղաքացու կողմից այլ երկրի վարորդական վկայականով տրանսպորտային միջոց վարելը, ինչպես նաև օտարերկրացու կողմից Հայաստանի Հանրապետությունում չգործող (ՄԱԿ-ի 1968 թվականի «Ճանապարհային երթևեկության մասին» կոնվենցիայի պահանջները չբավարարող) վարորդական վկայականով տրանսպորտային միջոց վարելը, առաջացնում են տուգանքի նշանակում՝ սահմանված նվազագույն աշխատավարձի տասնապատիկի չափով:

<< Ոստիկանության ՃՈ էլեկտրոնային ռեգիստրից կատարված քաղվածքի համաձայն՝ Երևան քաղաքի N 47 ավտոբուսի երթուղին <<Տիգրան>> ՄՊԸ-ի կողմից սպասարկման ժամկետ է սահմանվել մինչև 19.03.2023թ-ը:

<<Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներ իրականացնող կազմակերպություններ և անհատ ձեռնարկատերեր ընտրելու մրցույթ անցկացնելու կարգը հաստատելու, Հայաստանի Հանրապետության կառավարության 2001թ-ի Օգոստոսի 16-ի N 762 և 2007թ-ի Հունիսի 21-ի N 819 Ն որոշումներն ուժը կորցրած ճանաչելու մասին>> 30.12.2020թ-ի N 1994 Ն որոշման 70-րդ կետի համաձայն՝ մրցույթի արդյունքները հաստատվելուց հետո հանձնաժողովը հինգ օրվա ընթացքում ճանապարհային ոստիկանություն տեղեկանք է ներկայացնում՝ համաձայն N 7 ձևի, մրցույթով անցած ավտոբուսների հաշվառման համարանիշների և հաշվառման վկայագրի փոխարեն ժամանակավոր դեղին հիմնագույնի համարանիշներ և ճանապարհային ոստիկանության կողմից սահմանված ձևի ժամանակավոր հաշվառման կտրոններ (այսուհետ՝ ժամանակավոր կտրոն) տրամադրելու համար:

<< Ոստիկանության ՃՈ էլեկտրոնային ռեգիստրից կատարված քաղվածքի համաձայն՝<<Հյունդայ>> մակնիշի 4391S դեղին համարանիշի (Հաշվառման

համարանիշ՝ 197AM61, հաշվառման վկայագիր՝ KB583618) տրանսպորտային միջոցի հաշվառման վկայագիրը ունի գործող կարգավիճակ:

<<Վարչական իրավախախտումների վերաբերյալ>> ՀՀ օրենսգրքի 281-րդ հոդվածի համաձայն՝ քննելով վարչական իրավախախտման գործը, մարմինը (պաշտոնատար անձը) գործի վերաբերյալ որոշում է ընդունում: Որոշումը պետք է պարունակի՝ այն ընդունած մարմնի (պաշտոնատար անձի) անվանումը, գործի քննության ժամանակաթիվը. տեղեկություններ այն անձի մասին, որի վերաբերյալ քննվում է գործը, **գործի քննության ընթացքում հաստատված հանգամանքների շարադրանքը**, տվյալ վարչական իրավախախտման համար պատասխանատվություն նախատեսող նորմատիվ ակտի նշումը, գործի վերաբերյալ ընդունված որոշումը:


<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքներով:

Այսպիսով, դիմումատուի արարքում բացակայում է <<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 4-րդ մասի նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

### Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 13.01.2022թ. կայացված 8180083598 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Գեղամ Աբգարյանին և պարեկային ծառայության Երևան քաղաքի գունդ:

Պետ,  
ոստիկանության գնդապետ՝



Ա. Ումրշատյան